

Cuairt an Uachtaráin ar Bhairéin

Ceist 1: Beidh tú ag féachaint ar ball ar thuairisc faoi thuras an Uachtaráin go Bairéin.
Sula bhféachann tú ar an tuairisc, déan na ceisteanna seo a phlé leis an duine an aice leat.
Cén ról atá ag an Uachtarán?
An bhfuil Máire Mhic Giolla Íosa sásúil mar Uachtarán?

Ceist 2: Ceangal na focail ar chlé leis na focail ar dheis.

1. Fadhbanna	A. Visit
2. Lonnaithe	B. President
3. Uachtarán	C. Problems
4. Oifigiúil	D. Country
5. Iarsmalann	E. Collection
6. Bailiúchán	F. Education
7. Cuairt	G. Situated
8. Oideachas	H. Official
9. Cósta	I. Thousand
10. Oileán	J. Museum
11. Míle	K. Island
12. Tír	L. Coast

Ceist 3 bhfuil Tá Bairéin san Áise. Meaitseáil na Tíortha seo leis na hilchríocha ina siad lonnaithe trí an litir cheart a chur sa bhosca.

A= An Eoraip
B= An Afraic
C= An Áise
D= An Aigéine (An Astraláise a thugtar air go minic)
E= Meiriceá Thuaidh
F= Meiriceá Theas

- 1) An Fhrainc
- 2) Ceanada
- 3) An tSeapáin
- 4) An Nua-Shéalainn
- 5) An tSile

6) An Éigipt

Ceist 4: ‘A fear céile’ a deirtear sa tuairisc. Cén fáth nach bhfuil séimhiú ar ‘fear’? Bain triail as na samplaí seo a leanas.

- 1) Tabhair dom do (cóta)
- 2) Cá bhfuil ár (cótaí)
- 3) Bhain Máire a (cóta) di.
- 4) Tá bhur (cótaí) salach.
- 5) Tá dath dearg ar mo (cóta)
- 6) Cheannaigh Seán a (cóta) Dé hAoine seo caite.

Ceist 5: Líon na bearnaí leis na focail seo a leanas: oideachas, oifigiúil, cuairt, oileán, phálás, láidre.

Is é an Rí Hamad a chuir fáilte ____ roimh an Uachtarán Máire Mhic Giolla Íosa go dtí a ____ i mBairéin, ____ ata lonnaithe amach ó chósta na hAraibe Sádaí sa Mheán Oirthear ina gcónaíonn seacht gcéad caoga míle duine. Seo an chéad uair don Uachtarán a bheith ar ____ sa tír agus táthar ag súil nasc níos ____ a chruthú idir an dá thír ó thaobh na polaitíochta de, na heacnamaíochta de agus i dtaca leis an ____.

Ceist 6: Pléigh na ceisteanna seo leis an duine in aice leat nó le do ghrúpa. An raibh tú riamh sa Mheán Oirthear? Inis don duine atá in aice leat nó don ghrúpa faoi na laethanta saoire ab fhearr a bhí agat riamh.

Treoracha agus freagraí

Ceist 1: Is féidir an plé seo a dhéanamh i mbeirteanna nó i ngrúpaí.

Ceist 2: 1=C

2=G
3=B
4=H
5=J
6=E
7=A
8=F
9=L
10=K
11=I
12=D

Ceist 3:
1=A
2=E
3=C
4=D
5=F
6=B

Ceist 4 An aidiacht shealbhach-bean atá i gceist.
1) Tabhair dom do chóta.
2) Cá bhfuil ár gcótaí.
3) Bhain Máire a cóta di.
4) Tá bhur gcótaí salach.
5) Tá dath dearg ar mo chóta
6) Cheannaigh Seán a chóta Dé hAoine seo caite.

Ceist 5 Is é an Rí Hamad a chuir fáilte **oifigiúil** roimh an Uachtarán Máire Mhic Giolla Íosa go dtí a **phálás** i mBairéin, **oileán** ata lonnaithe amach ó chósta na hAraibe Sádaí sa Mheán Oirthear ina gcónaíonn seacht gcéad caoga míle duine. Seo an chéad uair don Uachtarán a bheith ar **cuairt** sa tír agus táthar ag súil nasc níos **láidre** a chruthú idir an dá thír ó thaobh na polaitíochta de, na heacnamaíochta de agus i dtaca leis an **oideachas**.

Ceist 6 Is féidir leo na ceisteanna seo a phlé i mbeirteanna nó mar ghrúpa.

Eimear Ní Chonaola

Dúirt an tUachtarán, Máire Mhic Giolla Íosa go gcaithfimid ár seacht ndícheall a dhéanamh cúrsaí eacnamaíochta a láidriú in Éirinn. Rinne sí a cuid cainte le linn a cuairte ar Bhairéin sa Mheán Oirthear. Beidh sí sa

Mheán Oirthear go dtí Déardaoin. Tá Caoimhe Ní Chonchoille ina cuideachta ansin.

Caoimhe Ní Chonchoille

Is é an Rí Hamad a chuir fáilte oifigiúil roimh an Uachtarán Máire Mhic Giolla Íosa go dtí a phálás i mBairéin, oileán atá lonnaithe amach ó chósta na hAraibe Sádaí¹ sa Mheán Oirthear, ina gcónaíonn seacht gcéad caoga míle duine. Seo an chéad uair don Uachtarán a bheith ar cuairt sa tír agus táthar ag súil nasc níos láidre a chruthú idir an dá thír ó thaobh na polaitíochta de, na heacnamaíochta de agus i dtaca leis an oideachas.

Máire Mhic Giolla Íosa, Uachtarán.

Tá fadhbanna go leor le² heacnamaíocht na hÉireann agus tá orainn ár seacht ndícheall a dhéanamh ar son na hÉireann agus ar son na heacnamaíochta³... cúrsaí eacnamaíochta a láidriú agus tá ceangal iontach láidir idir Éirinn agus an ceantar seo i mBairéin le fada an lá.

Caoimhe Ní Chonchoille

Tugadh an tUachtarán agus a fear céile, An Dochtúir Martin McAleese go hiarsmalann Beta Koran inniu chomh maith, ina bhfuil bailiúchán de lámhscríbhinní an Qur'an agus taispeánadh an lámhscríbhinn is sine atá acu don Uachtarán a théann siar go dtí an seachtú haois.

I measc na n-Eagraíochtaí Éireannacha ata lonnaithe anseo i mBairéin, tá Cumann Gnó Éireannach Bairéin a bunaíodh dhá bhliain ó shin. Beidh an tUachtarán Máire Mhic Giolla Íosa ina haoi speisialta ag ócáid a bheidh á reáchtáil acusan anocht i gcuideachta le Fiontraíocht Éireann.⁴

Caoimhe Ní Chonchoille, Nuacht TG4, i mBairéin.